



羅林山人詩集卷四

嘉興吳文溥

東津錄

入門

出門復入門送臘迎新年
春風似游子歲暮同來
還高堂以百慮舉室有餘歡
况當吳米賤比屋冬廩
填我亦小箸壽酌醴勸如餐
饔報花鼓媵駢竹鞭塗糟
醉司命一笑娛衰顏

社飲二首

百年去苦多萬事來無端
惟有醉中人坐和全其



天春亦雨新綠繞舍桑麻田良辰會親友舉酒屬
高年微賤不足稱歡言慰華顛
冰柯無金葉時菊耀其英村醪賦易沽家釀頗相
傾豈必事沈面聊用歡平生出門多可歎入舍忘
所營笑看兩兒子已復羅杯鐙

錢六肅王祠二首

半壁秋苔石筍寒三椽遺廟枕江干西風吹老冬
青葉猶作當年錦旗看
一劍歸來十四州英雄遂替女兒愁年々陌上花
如雨能得香車幾度游

題鍾馗捕鬼圖

翁翁何來氣如馬名壓帽檐提劍舞五月江鄉走
越巫家々黃蘗黏門戶菲堂窈窕女蘿烟苔壁陰
溱熟梅雨山鬼笑人何太愚夜深屏障障嗽々語我
聞重黎司々地天亦伯禹鑿為神姦敘方社逢々
擊七鼓迎貓迎虎媚田祖玉醴金芝爛漫生川龍
阿鳳尋常覩嘗今四海毅士女民和歲豐祀有主
神來晏然壽初古豈憂痼癘相毒苦嗚呼豈憂痼
癘相毒苦

同陶二壘沈大振鷺過白蓮精舍

為衍三乘業同來十笏房無言通淨理直語引真
香淺渚荷花白疏離豆葉黃頭陀去已久斷渴
殘陽

夏雨

涼雲驅蕩暑淺水迴颺蟬噪隨林斷荷香隔雨

通

秋夜二首

客散黃昏後沁塘片月生秋天聞遠笛涼露下深
更

獨坐愜幽賞桂香展翠席滿地梧桐陰州蟲吟四

醉

淮上贈老丈二首

燕趙悲歌士江湖老布衣北平空畫戟南國有荆
扉射虎幾年強扶犁負郭稀飄零一杯酒感激話
餘暉

曾郎將電聘羞居國士名窮愁甘賈息屏跡類虞
卿落：長淮水悠悠：知己情青山笑頭白布襪早
須行

春日廣陵游宴呈諸友二首

淮南山水麗廣陵花月深服美易人目去美移人

心惟曠世士不受外物侵勝侶偶相值道遙繼
幽尋既舟曲水汜弭櫂激湖陰暝雲坐丹壑當風
理瑤琴謁此舞雩賁自愜中和音
我亦峯岑人泪逢淮海間忻賞及良辰新知如舊
歡國林藹春綠戶牖布業蘭造化積和氣烟温當
我前適已不在多茲款歸自然

金國東北燕招集湖上游江氏園

客游看淮甸嘉侶日因依復此湖上酌共款林中
扉白鷗矯春渚黃鳥乘和飛雨柳黃已綠風梅飄
我衣觀化無停翅潛來愜新機舉觴屬羣彦愛客

泊舟楓橋詩沙又誌感

泊舟楓橋詩沙又誌感

弭緝舊游處故人今在無野橋惟落木江樹有啼
鳥感歎風流畫沈吟歲月殊稽山空酒伴誰肯典
衣沽

中春淮上憶友

春之淮上山色遙相屬不見山何人薜蘿終杜
日別久怨春遲懷新感時速雨餘花氣涼風動艸
心綠願言結幽珮行立空山曲

邗上春日送友人歸橋李

子心十五
卷之四
四
愁見東風綠淮南春艸生落花成小別殘雨入新晴
晴出帆江魚賤迎福海燕輕吾歸亦早晚先為報
柴荆

与邗江族弟魯話舊二首

吾家昔在盛湖海集羣英一劍延陵意千金脫手
輕至今悲路指及見平生桂樹秋風裏淮南歲
算情

与子晚相遇登岸最真踏花刊上路棹月廣陵
春健筆空時輩清談見立人為余償酒債傾側算
沙濱

張茂才良委不飲平山堂二首

湖二春深載酒過碧桃紅藥傍船多東風似解游
人意未遣飛花入巨羅

傾城歌舞與河長朝泊紅橋算蜀岡醉起張燈照
流影不知春色在何鄉

邗上送汪四聖清之渤海

春老淮南若和逢勸巨羅飛花似飛雨江柳映江
波赤岸浮天迴滄洲見海多知君挂帆去乘興復
如何

自維揚歸抵吳門他舟有吹笛詩客緒經

秋感別諸友兼悼閔丈華沙丈維杓

隔浦怨橫笛蕭蕭江上秋天寒榆柳變霜落菱荷
以故老俱黃土新交半白頭不堪生死別孤艇十
年愁

和姚二濟倫山樊消息即事

息影謝塵俗端居閱炎序依巖抗層構連林蔭幽
墅寧凝正澗空雨洩南亭暑飛泉挂絕巘夕景留
孤嶼暮此邱以肯道有滙上侶紅蕖散遠岑甘瓜
美矣茹仰掇鳴蜩以俯翫游魚渚把釣待秋風臨
流一延佇

晚泊江寺見梅一樹如見所憶

著岸小梅白當花空眼新寺門初見月江渚未逢
人清景自怡悅幽姿如夙親相思隔烟水借面一
枝春

曉登寶石山

連山蜿蜒如飛龍寶石徑與碁盤通上有古墻卓
絕頂下有梵剎鏗孤鐘是日登臨雨新霽花開石
濕山浮紅迤望羣峯自青氣俯聽万壑皆松風嵌
巖雉堞絲可數西湖括水坳堂中白鷗如雪映遠
渚畫船葉搖春空不見婆留三節歸江東烟霞

窟宅社仙宮江湖初洗劍弩氣父老得此壺觴同
不以身貴傲鄉里夫惟情至真英雄至今空山戀
羊傳當時六樹尊馮公我來游眺撫遺蹟東南保
障思鴻功徑滑坡危不敢下山僧為指漁樵蹤

旅宿

月落衆山外江寒客思清白雲留我宿高閣枕松
聲

江頭樹

江頭古樹空樹底江風冷江月夜深來照見棲鳥

景

築客墓歌

桐溪姜生某葬其客某之貧無後者于
某鄉亦敢文僅事也書以廣其風焉

切貧賤生死路生寄伯通家死葬梁鴻
墓梧桐鄉曰梧下尋墓門遙接梧桐林春來細雨
土花濕上啼鳥似相識隻雞斗酒故人心宿州
新年作寒食不見屠沽游戲多少年朝盟金石真
已寒里免迫義交丁久心跡磊落到白首嗚呼姜
生不為死友況生友

送別老友

青眼高歌傍酒卮白頭相見復相悲
堂前續瑟曾三婦
晉下吳鉤當一兒
暗粉零香人去後
冷風疎雨雁來時
憑君即買舫艇小
送老滄江歲月遲

送汪孝廉歸吳門

海月對秋生霜天送客行
夜寒鴻有影秋老樹無聲
孤艇誰乃別殘尊空復情
春風定相訪為待闔閩城

寄鼎相漢金比部德輿禦兒方處士董兼

悼朱八丈六萬二首

東野孤傲肯西曹
恬心與余文有素
論古意殊

架見月思華燭
日風玉琴久辜文
酒會重惜鬢

毛侵

曾共小山叟
經過就闌眠
桐華避暑委荷葉
晚涼天契闊
楚生事風流
記往年
只今載書畫
應少米家船

贈吳山道士黃黃鶴二首

中年深送契
長日到山房
兩歌松猶滴
荷開水自涼
夜窗生靜籟
晨暘引真香
得醉無餘事
眠雪白石林

出郭復攜手
湖山登眺同
飛霞明不定
秋水澹如

空人語翠微上帆移紅樹中
瑤池度西景吹笛下天風

夜宿古菴和吳文穎芳壁間題句

繩牀經卷亦何情借得琉璃佛
火明謝事清秋食小病苦吟
良夜喜深更風枝葉動烏鴉
起露艸根涼蟋蟀鳴恨少
西林老居士共伊支枕說無生

臨慶寺散步

曉霽看山近春游由屨遲
人家半僧舍花竹隱茅茨
風靜溪逾響雲未樹欲移
悠然撫清景物外有餘思

賣花翁

雨後桃花雪後梅
勤君多買幾枝回
明年縱使花如舊
未必看花君又來

尋心村舊路口占

野水流春盡林花入雨稀
到來迷支所風蝶鼻飛

放鶴洲憶陪沈玉崖夫子舊游書感

憶昔扶山簡高陽屢醉游
雨中巾折角竹外杖過頭
小市賣魚舍春塘放雀洲
當歌杯重把行樂轉生愁

李翁山舍作

山翁言猶在曲折到幽栖問徑花相引開門鳥亂
啼眈眈堆素帙瀉窅落黃泥坐覺無虛贈歸雲滿
袖攜

送田上舍粉之吳門二首

楊花飛處河豚熟燕子來時山簞香君到江南望
江北洞庭春水正茫茫
賣藥吳門興不孤春回天地入蓬壺即看鄧尉梅
千樹便是廬山杏萬株

過吳門訪家以士三錫

之子吾宗秀相逢惜不多江湖有同調書劍復來
過短褐千秋業長減五字歌舊時池上句春艸意
如何

吳門客館病後作

經旬卧江郭盡日掩山扉雨後春如客花間夢當
歸碧池垂水帶幽館上垣衣只有閒庭雀相依伴
落陣

題吳門沈氏園亭

嘉樹陰春池桂香和古詩無人賞我趣吟與落花
知

吳門春尊二首

昨來多棹聽笙歌，又約今朝看踏莎。何處相逢不相惜，江南春色已無多。

酒後客來重酌酒，飛花留客點衣巾。主人醉倒不相勸，客轉持杯勸主人。

寒食日飲田舍作

桃花李花村復村，東溪西溪柳插門。烏犍卧地雞叫屋，新婦抱子翁弄孫。濁酒濃斟黃麴味，香芹脆嚼青泥根。始知玉箸金盤好，不及田家老瓦盆。

懷東湖陸烜首

問訊東湖安士居，比來佳興復何如。青衫白帽自行藥，紅袖烏絲伴著書。

聞道能煎竹裏茶，樵青十五臉如霞。如何細雨桃花後，不見當門泊釣舠。

初夏汎舟白蓮塘即事

不信春歸去，開門眺夕陽。樹多村忽暗，花落徑猶香。物復攜殘醞，目之弄小航。野鳧將數子，漠漠過蓮塘。

相家湖示王氏二生 溥鴻

小築湖邊紫門，逼水烟蘋花秋。隱鷺榭葉算吟。

蟬月滿題詩壁風迴汎酒船王猷兄弟好留共竹
林眠

題金比部梁谿戴泉圖

我昔游毘陵弭楫惠山麓山前列茶肆雪椀注新
淶是時春雨餘林巒淨如沐蓮花覆沙落泉
溜谷酌茗對清江看山留暝宿至今思一啜惜未
携千斛之子素同調勝事真絕俗秋室發興奇手
戴梁谿綠歸來煮明月卧聽滄浪曲感此亦有年
披菡萏時速前水復後水爾我各知足出山即在
山歡言志初服

題沈丈晚香村舍無贈令子錫綬

蹤跡亦人世脩然靜者殊村多田負郭門少吏催
租秋雨吟黃菊春江釣綠蒲但逢佳釀熟留客便
提壺

樵福棟兩兒泚鶴洲精舍

野寺同來日林塘元月天買菱秋雨後戴菊暮溪
邊未契隨時輩深心託古禪兒童應未覺魚鳥總
依然

梅里訪薛處士廷文

靜者柴門外看雲帽影斜晚風嗟吠蛤暑雨瓦生

花嫌未成農具貧難問酒家老才殊不盡詩卷送
年華

感秋聲作

老樹得秋意蕭然一夕風籬根拋熟果墻角訴寒
蟲世事浮雲外交親宿艸中徒開蔣宅徑幽興與
誰同

憩江翁池上晚酌書贈

踏暝山池畔迎風響敗荷竹深遲漏月魚冷暗吹
波傾倒如君少歡娛柰老何不知牙齒落還倚醉
造歌

憶吳門毛孝先用吉昆仲蕪寄戴經三首

君家好兄弟燕喜有田廬五畝江湖外三分水竹
居傳經才不媿奉檄意何如為寄春暉詠知余慨
慕俱

不問東西屋宇論上下牀相逢判累夜一醉擬千
場懽卷蝦須短籬開鹿眼方遙憐春雨後芳艸蔓
池塘

感激思吳侶漂零訪戴船已過桃李節又近浴蠶
天射覆知誰雋聯吟得幾篇索居追勝事華髮入
新年

重九後一日送鮑上舍之歛
昨日雨風過重九今朝送子折秋柳冷蜨飛朱江
上筵黃花猶戀行人首青菱折罾蠓滿筐小槽紅
滴真珠香吳兒垂手作軟舞砑帽葵花催羯鼓幼
眇何戲一曲歌更長燭短愁如何問君此別幾時
見君道相送及未燕范蠡湖頭春甕開呂公灘畔
孤舟未金坑小碗麥光紙搥鼓迴帆為我市

酒間感賦

食甘不得薺食苦敢辭慕甘苦心自知人命賤於
艸晚值里中賢相邀飯杭稻白羊爛肥胛赤鯉膻

脂腦臨觴意倍深卒食心如擣昨有啼飢人朝未
路旁倒感激念同類平生恥獨飽

酬莊四丈鳳苞齋杭

貧居闕升斗養拙媿桑梓香杭忽相賚來自漆園
氏知我有老親亦復累妻子迫為晨夕謀坐見炊
烟起餘粒及兩雞君惠免蟲螳銀難思古人緩急
藉知己未契良悠誰復能如此

結交多賈人行

白頭且莫吟黃耒亦休唱結交多賈人氣誼曷足
使不見管鮑貧交今已無代郡黃金啗豨將黃金

雖多何有哉。翟公門巷生蒿萊。掉頭去。歌莫哀。
青天明月隨人來。

江頭婦二首

江頭老婦不知家。日日江頭走賣花。拂路長條非
收柳。沾泥苦蒂落秋風。
小時憐母大憐婿。後來新婦今為婆。救屨補綴君
休笑。此是當年血色羅。

悼章孝廉鳴翼二首

天邊魑魅驕人淚。門外蓬蒿處士廬。短褐僂還皮
骨在。荒山飢走死生餘。杜陵老大惟耽酒。囊氏窮

愁始著書。憶昨經過家。四壁秋風秋。雨病相如
青山一別萬重悲。算景飛騰路各歧。皮相安知天
下士。眼高難識里中兒。生前朱穆交游薄。死後張
堪付託誰。獨有文章動千古。此心還與故人期。

一錢歌

生不必腰十萬貫。死不必賻千金。瘞年未卓錫。已
無地。貧到一錢空。有囊每恨賴陰。灌安譏程不識
可憐杜陵叟。亦頗動羞色。不見會稽太守辭。郡日
一錢僅受高。清節至今父老猶能說。又不見黃頭
兒。郎富董天十年鼓鑄銅。山邊死後何曾留一錢。

鳴呼死後何曾留一錢

九日沈氏雙溪州堂贈昆陵顧四行

有客思親淚滿裾
尋前九日重踟躕
已蕪陽羨山中業
猶讀東林社後書
寄籍他州非得已
攜琴外宅竟何如
相看短褐無顏色
豪氣從來未肯除

雙溪州堂晤陶二理自江右歸胡五晉并

州書來感賤蕪贈沈氏諸昆季

無恙雙溪舊州堂
驚心長路各風霜
并州雁到楓初冷
江上人歸橘又黃
一夕師門悲拱木
十年甥館憶連牀
向來識面兒童少
那得相看鬢未霜

馮山人席上觀王曇舞劍二首

山人嗜古好客出
示所寶劍精光照
人烟若新淬王子
仲瞿在座愛不釋
手即起槃舞頃挫
豪矣余見其書生
也而有俠士風賦
詩感激憶曩在關
中觀侯生舞雙劍
贈以長歌忽六
七年復有此作亦
以見余之頹倒仲
瞿覺向來飛動之
致老而不能自己
也

主人出龍劍十步
生風霜仗此走沙
漠橫行不可當
邛山或斷裂江海
餘清光恐作書生
死徒令壯

士傷

斫地忽起舞王郎真絕倫
指揮風在手開闔電隨身
濁酒傾肝膽高歌動鬼神
白頭談將略咲殺少年人

贈朱少府

先生倚杖復提壺日與春衣博市沽
五斗不為彭澤令數升曾入步兵厨
即今洛社名流盡未覺高陽酒伴孤
老去池塘種花藥晚來門巷數鷗鳧

晚秋送別

寒雁霜前響秋帆樹杪過
一尊歡乍散千里意如

何余亦離居者年未寄食多可憐
長缺在不肖向人歌

桐溪汪氏蘭陔書屋感懷

老大無前輩兒童各丈夫
頓深今昔感重以死生殊
門靜溪蒲折城寒瑞樹枯
再來何歲月臨別為踟躕

古意

項王勇匹夫白起不監子
新安長平五流水數十萬人
同日死嗚呼秦雄楚伯事
已矣古來於殺都如此

踏凍行

有嬾不泣牛衣寒東家樹棗常得完生兒丁免犢
車破骨相何須問始布書生家計畫滿屋坐使汝
曹餘不足昨朝出乞仁祖米今晨往貸監河粟踏
凍歸來兩鬢霜呼兒解饑嬾煖湯瓦鑪注酒煨枯
桑滿眼醲綠喜復狂明日晨炊更何處一笑不問
顏就林

王生池上感舊

十年成契闊一棹偶經過夜月沁塘在秋風蒲柳
多紅顏看老大碧酒話蹉跎後會復如此相逢能

幾何

奉簡表太史二首

不負碧山張學士最憐紅粉杜司勳江東無復論
才子天下何人及更君憶自吳門踏秦雪却從秦
苑夢吳雪傷春傷別年一事鄧尉花開艸又薰
家住金陵山水清看山吟過石頭城一時豪俊隨
車後到處諸侯掃榻迎真若松喬在霄漢不妨猿
鶴共平生人間福地都尋遍仙骨從來老更輕

七夕過族姪池館追憶曩游作

池照秋花冷梧懸宿雨鳴問年追手植屈指各心

驚南阮無衣曝東柯采藥行未能忘令節細酌為平生

和友人秋夜黃鶴樓相憶之作

為古青天月飛來黃鶴樓故人于此夜思我不勝
秋杳，掌中笛飄，江上舟何當共吟眺無夢隔汀洲

虎林夜沉贈李生

出處皆吾字銀難獨爾愁江湖多落木風雨急歸舟
屢進王孫飯終慙季子燕雀口雷劍在萬里更誰投

卜居東津與比隣馬氏為再世之好出門

相見一笑提壺率爾酣暢菊華黃時秋興

彌佳矣喜賦二首

率意無拘束徑過東復西黃雞烹沒骨紫蠅擘團
臍柄，風荷折盡，露菊低清秋能幾日判飲醉
如泥

水榭看鸞鴨山園蔭薜蘿兩家兄弟樂隔屋友朋
過餘興登高後良辰素晚何東津采菱伴歸棹月
明多

過戴大經春水居留題兼贈其弟光曾

君家舊文掾讀書有老屋師友竹垞翁清芬梅里
族宗風日以廣素室遂屢卜兄弟能文章淨琮吐
珠玉流傳石倉篇復有大小目色養和陔吟良辰
嬉野服頗行長者車時枉幽人躅汀洲雜花映門
巷春水綠連船蝦蜆未傍舍鷗鳧必遲爾東津亭
邀我南湖曲風廊琴韻流雨檻茶聲熟負飯可翦
蔬閒題或鏤竹悠然魚鳥間物我皆知足不見遠
與顯高蹤代相屬剡溪餘雪棹京口看黃鶴江山
引道心曠世同出然

題秋水寄懷圖

指點青山送客航幾回紅樹飽經霜暮天惟有雁
聲遠秋水不如人意長

偕沈錫綬白蓮塘晚步

有客同余趣蓮塘話夕曛寺門雙剎古溪水一橋
分引興穿紅樹回頭看白雲此間須小憩歸路是
離羣

東津沈三丈錫爵直躬行善數十年忘其
貧老懷抱向人一醉無餘事矣勞生閱世
有感于中率爾書贈

丈人行直道肝膽類平原能破千金產時敲卧雲

門自未為善樂到老此心存萬事一杯酒悠々何
足論

送陶二璉重赴江右二首

君家北渚上我舍東津隈撥棹野花落當門秋水
未老懷生壯白難思入深杯同調無多侶漂零重
可哀

落葉滿江州夫君舊此游到時豈蟲月曾照木蘭
舟五老更秋色雙姑仍晚愁琵琶亭下泊又白幾
人頭

七夕二首

七夕遙開憶往年如今七夕更無筵始知天上年
年別猶勝人間夜々憐
面々荷花不忍攀田々荷葉草溪灣請君著意看
明月曾向高樓照玉顏

僧房二首

間氣依古水清磬出禪房坐蔭一林碧吟生初月
黃

山寒門自閉月出水逾深遠火參差見歸僧過竹
林

雨中眺溪上

出門眺溪水倚樹數歸鷗風急枯荷亂天寒落葉
稠遠窗人話兩別渚客登舟不盡哀淅意聲入
暮秋

寄友人客武昌

翩然佐幕楚中游樂興還登黃鶴樓何處鄉關懷
舊侶幾年詞賦動諸侯春風撲面揚危老夜雨驚
心鴻雁秋料得銷憂多暇日仙人鐵笛滿滄洲

贈漁者

東津打網北津收載取霜鱗問別舟一夜西風何
處醉湘江紅樹不知秋

東津山堂示棟兒

太上貴立德時人安所遇慨然六雅後學者競浮
慕高門既馳寒暖亦景附功名中于隱機巧日
相赴先負役其心逮貴忘乎故本無致遠懷終闔
經世務流失非一朝厭咎自童孺父兄教不明子
弟學不固苟且工揣摩休離綴章句汲汲登要津
處處向遲算條如過浮雲盡已委朝露以此云讀
書反由讀書誤我歎為汝箴令汝發深悟洞觀古
今未得喪皆有數世俗之所營非汝之所措顏氏
空簞瓢憲也敝衣履二子皆大賢曾不改此度吾

三子
三
儕業不進乃敢越步東洋讀書堂臘月老梅吐
展汝林下席陳汝篋中蠹搗齋啗凍粥樂汝家風
素

金粟山人篆書歌

山人二篆皆絕倫瘦者長爪清通潤銳意收儲金
石瓦入手摹勒商周秦大書倔强鼎鑄玉細字佶
屈釵鉤銀狼隄實慘纖珂破武庫矛戟森嶙峋鳴
蟻瑠璃仙女下墜犀翠樹宮燕春不見子雲嗜奇
博杯酒周禮點竄真罪首邇來搗撫託斯籀烏焉
魚魯易隨手如君學厚天機深獨師古意得八九

男兒身遂豈有期絕藝傳世亦不朽

咏金比部所得顏魯公小銅印歌

漁陽賊陷河南北東來萬騎兆林黑二十四郡無
一人祇有平原然捍國賊初意謂公書生書生走
賊天子驚悔不早識顏真卿有急始達真卿名尚
書入朝正賢路魯公不名義聲布懣姦藉手殺直
臣銜命而死公不顧遂令天下愛惜公見公之名
輒涕從小印流傳至今日古花環紐斑青銅不見
軍門傳呼令公至深州感泣侍郎語二公卒脫甬
口中公獨胡為遺賊餌又不見常山舌血睢陽鬚

与子死賊先後軀張巡果卿印何在真卿兩字千
 秋孤子不顧死况名歟以名要與天壤俱此印由
 未出以手得而寶之者我友世間金印大如斗身
 名瓦裂印何有惟子之印見以節以印可磨心不
 滅

成都懷古和友人作

劍閣西來路萬盤陰平猶自失嶺岷可憐後主全
 身拙不念先皇立國難花蒸岷江愁暮雨鷓鴣蜀
 嶺憶春寒君看丞相祠前樹終古有以送客鞍

題廂林童丈塔鹿菴吟州

好在童夫子霜髯只苦吟湖山花徑遠風雨州堂
 深壽母平生事佳兒晚歲心何余詩作傳點筆意
 蕭森

訪鍾明經駕鰲留贈

泠泠碧流水入我朱絲琴寂寞自終曲何人知此
 心楓林秋葉落茅屋夜燈深只有鍾期在悠然獨
 賞音

霍林山人詩集卷四

門人戴經編錄

男元樞全波



